

Ո Ր Ո Շ ՈՒ Մ

Ճանապարհային ոստիկանության. վարչական տույժ նշանակելու մասին 25.11.2019թ. թիվ 1910464376 որոշումն անփոփոխ, իսկ վարչական բողոքն առանց բավարարման թողնելու մասին

<< 20 > 12 2019թ. 17/13 - 10738

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Եվգենի Կարպովի ՄԴ/4704-19 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Բագրատունյաց փողոցի 8 շենքի 54 բնակարանի բնակիչ Եվգենի Կարպովը դիմումով խնդրել է վերանայել վարչական տույժ նշանակելու մասին թիվ 1910464376 որոշումը՝ նշելով, որ իրավախախտումը կատարել է առջևում խոչընդոտ լինելու հետևանքով:

Դիմումի քննարկման արդյունքում պարզվել է, որ դիմումատուի փաստարկը չի կարող վարչական ակտը վերանայելու հիմք հանդիսանալ հետևյալ պատճառաբանությամբ.

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած **տեսանյութն է կամ լուսանկարը:**

Վարչական իրավախախտումների վերաբերյալ << օրենսգրքի 124-րդ հոդվածի 18-րդ մասի համաձայն՝ արգելվում է տրանսպորտային միջոցների վարորդների կողմից հանդիպակաց երթևեկության գոտի դուրս գալը, եթե դա կապված չէ վազանցը թույլատրված տեղերում վազանց կատարելու կամ կանգնած տրանսպորտային միջոցը կամ խոչընդոտը շրջանցելու հետ և եթե առանց հանդիպակաց երթևեկության գոտի դուրս գալու անհնար է շրջանցել կանգնած տրանսպորտային միջոցը կամ խոչընդոտը:

Ինչ վերաբերվում է դիմումատուի պնդմանը, թե իրավախախտումը կատարել է ստիպված խոչընդոտի պատճառով, ապա այն արժանահավատ համարել հնարավոր չէ, քանի որ տեսանյութում համընթաց ուղղությամբ երթևեկող մյուս երթևեկության մասնակիցները շարունակում են երթևեկել չհատելով 1.1՝ հոծ գիծ հորիզոնական գծանշումը:

Իրավախախտման PIN անհատական ծածկագրի տակ զետեղված տեսանյութի դրվագային ուսումնասիրմամբ պարզվել է դիմումատուի կողմից վարած տրանսպորտային միջոցը

09.11.2019թ. ժամը՝ 13:40-ին Երևան քաղաքի Բագրատունյաց-Չեխովի խաչմերուկի հատվածում մասնավորապես Չեխովի փողոցում դուրս է եկել հանդիպակաց երթևեկել գոտի:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1.Ճանապարհային ոստիկանության վարչական տույժ նշանակելու մասին 25.11.2019թ. թիվ 1910464376 որոշումը թողնել անփոփոխ, իսկ վարչական բողոքն առանց բավարարման:

2.Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3.Սույն որոշման օրինակն ուղարկել Եվգենի Կարպովին:

